

«MOTTAKERNAVN»
«ADRESSE»
«POSTNR» «POSTSTED»

Trondheim, 30.06.2017

Dykkar ref.:
[Dykkar ref.]

Vår ref. (bes oppgitt ved svar):
2017/1832

Sakshandsamar:
Geir Rune Rauset

Skadefelling av jervetispe med ungar i ynglelokalitet Glomvassfjell i Beiarn kommune, Region 7 Nordland, 2017

Miljødirektoratet set etter eige tiltak i verk skadefelling av ynglande jervetispe med ungar i ynglelokalitet J-NNO-006 Glomvassfjell, Beiarn kommune, rovviltregion 7. Miljødirektoratet v/Statens naturoppsyn (SNO) er ansvarleg for gjennomføring av fellingsforsøket. Skadefelling vert gjennomført for å hindre skade på bufe.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Grunnlag for skadefelling av jerv i Noreg 2017 og "Skadefelling av jerv i delar av Saltfjellet RBD, Nordland - Region 7 - 2017" datert 9. mai 2017 (tilgjengeleg i Miljøvedtaksregisteret: www.miljovedtak.no).

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadepotensiale for sau og tamrein er gjeve avgjerande vekt i vurderinga. Bestandssituasjonen for jerv, nemnda si prioritering av aktuelle område for uttak og geografisk differensiert forvaltning er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av ynglande jervetispe med ungar i ynglelokalitet J-NNO-006 Glomvassfjell, Beiarn kommune Nordland.

Følgjande vilkår er knytt til iverksetjing av felling:

1. Ynglande tise med ungar kan fellast i ynglelokalitet J-NNO-006 Glomvassfjell, Beiarn kommune.
2. Miljødirektoratet v/Statens naturoppsyn er ansvarleg for gjennomføring av fellingsforsøket. Fellingsforsøket vert gjennomført i tråd med fastsett *Instruks for det statlige fellingslaget ved uttak av vilt*.
3. Vedtaket gjeld i tidsrommet 2-3. juni 2017.
4. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette brevet vert sendt til Rovviltnemnda i region 7, Fylkesmannen i Nordland, Beiarn kommune, Salten politidistrikt, Klima- og miljødepartementet, Landbruks- og matdepartementet og Mattilsynet.

Løyve til felling av ynglande tise med ungar vart gjeve pr. telefon/SMS til SNO 2. juni 2017. Rovviltnemnda og Fylkesmannen vart vidare informert. Den 3. juni vart to ungar avliva på hiplass Krågakulen i Gråtådalen. Det var ikkje sett noko teikn til jervtisa under hiuttaket.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.